

除夕诗句大全

1.寒辞去冬雪，暖带入春风。——唐太宗《守岁》

2.
休叹流光去，看看春欲回。椒盘卷红烛，柏酒溢金杯。残腊余更尽，新年晓角催。争先何物早，唯有后园梅。——朱淑贞《除夜》

3.
旅馆寒灯独不眠，客心何事转凄然？故乡今夜思千里，霜鬓明朝又一年。
。——高适《除夜作》

4.玉关西望肠堪断，况复明朝是岁除。——岑参《玉关寄长安李主簿》

5.万里经年别，孤灯此夜情。——白居易《除夜寄弟妹》

6.
乾坤空落落，岁月去堂堂；末路惊风雨，穷边饱雪霜。命随年欲尽，身与世俱忘；无复屠苏梦，挑灯夜未央。——文天祥《除夜》

7.一宵犹几刻，两岁欲平分。——曹松《除夜》

8.
旅馆谁相问？寒灯独可亲。一年将尽夜，万里未归人。寥落悲前事，支离笑此身。愁颜与衰鬓，明日又逢春。——戴叔伦《除夜宿石头驿》

9.寒随一夜去，春逐五更来。——王湮《除夜》

10.
天地风霜尽，乾坤气象和；历添新岁月，春满旧山河。梅柳芳容徧，松

篁老态多；屠苏成醉饮，欢笑白云窝。——叶颙《己酉新正》

11.寒灯短烬方烧腊，画角残声已报春。——方干《除夜》

12.

巧裁幡胜试新罗，画彩描金作闹蛾；从此剪刀闲一月，闺中针线岁前多。
。——查慎行《凤城新年辞》

13.乱山残雪夜，孤烛异乡人。——崔涂《巴山道中除夜有作》

14.

晰晰燎火光，氲氲腊酒香。嗤嗤童稚戏，迢迢岁夜长。堂上书帐前，长幼合成行。以我年最长，次第来称觞。——白居易《三年除夜》

15.

细草穿纱雪半消，吴宫烟冷水迢迢。梅花竹里无人见，一夜吹香过石桥。
。——姜夔《除夜自石湖归苕溪》

16.冬尽今宵促，年开明日长。——唐太宗《除夜》

17.

不求见面惟通谒，名纸朝来满敝庐。我亦随人投数纸，世情嫌简不嫌虚。
。——文征明《拜年》

18.

乡心新岁切，天畔独潸然。老至居人下，春归在客先。岭猿同旦暮，江柳共风烟。已似长沙傅，从今又几年。——刘长卿《新年作》

19.

除夕更阑人不睡，厌禳钝滞迫新岁；小儿呼叫走长街，云有痴呆召人卖。
。——范成大《卖痴呆词》

20.

事关休戚已成空，万里相思一夜中。愁到晓鸡声绝后，又将憔悴见春风

。——来鹄《除夜》

21.

残腊即又尽，东风应渐闻。一宵犹几许，两岁欲平分。燎暗倾时斗，春通绽处芬。明朝遥捧酒，先合祝尧君。——曹松《除夜》

22.

昨夜斗回北，今朝岁起东；我年已强壮，无禄尚忧农。桑野就耕父，荷锄随牧童；田家占气候，共说此年丰。——孟浩然《田家元日》

23.四十明朝过，飞腾暮景斜。——杜甫《杜位宅守岁》

24.

爆竹声中一岁除，春风送暖入屠苏。千门万户瞳瞳日，总把新桃换旧符。
。——王安石《元日》

25.患难思年改，龙钟惜岁徂。——唐庚《除夕》

26.

岁序已云殒，春心不自安。聊开柏叶酒，试奠五辛盘。金薄图神燕，朱泥却鬼丸。梅花应可折，倩为雪中看。——庚肩吾《岁尽应令诗》

27.

千家笑语漏迟迟，忧患潜从物外知，悄立市桥人不识，一星如月看多时。
。——黄景仁《癸巳除夕偶成》

28.

律转鸿钧佳气同，肩摩毂击乐融融。不须迎向东郊去，春在千门万户中。
。——叶燮《迎春》

本文链接：<https://duanjuziku.com/duanjuzi/il55qgncjg.html>